

Jikuuļ ko an Kien ilo Salem Keizer enaaj kaiietļok ro rej kilaaj ilowaan imōn jikuuļ im kabōjrak ikkure ko an jikuuļ

Ilo raan in Bōļaide, Nobōm̄ba 13, Kabna eo an Oregon Kate Brown ekar kōjjeļā n̄an aolepen state in kōn ruo wiik in an bōjrak aolep makūtkūt, im enaaj jino bōk jikin ilo raan in Wōnje, Nobōm̄ba 18. Ālikin an kar jino itok naan in tōl ko jān ippān Oregon Department of Education ak ra eo an jikin jeļāļokjen an Oregon, ekōm̄man menin ad kōm̄mane kālet eo epen n̄an kaiietļok armej ro rej kilaaj ilowaan imōn jikuuļ im kabōjrak aolep ikkure ko an jikuuļ ko ipeļaaikin tijtiriik in.

Meļeļe ko raorōk n̄an am jeļā kaki:

- Jino ilo raan in M̄ande, Nobōm̄ba 16, aolep jermal in ikkure ko ilo ālikin jikuuļ, im makūtkūt ko jet emōj aer bōjrak.
- Eļāñne jikuuļ eo am ewor an pepe in ajej menin jipaņ ko ak kōm̄man kilaaj ilowaan imōn jikuuļ eo ilo wiik in, ekwe enañin aolep men kein remaron kōm̄man āinwōt kar pepe m̄ae iien raan in Wōnje. Jikuuļ eo am enaaj kōjjeļā waj kein pepe kein.
- M̄ōñā ko kwōmaron etal im bōki ilo imōn jikuuļ renaaj wōnmaanļok wōt im ajej ilo raan in M̄ande n̄an Bōļaide jān 11 awa jibboņ n̄an 1 awa rālep. Laajrak eo ekāal tata ikijjeen etan jikin ajej m̄ōñā kein ej aolep iien pād ilo website eo an tijtiriik in ad.
- Opiij ko an jikuuļ renaaj kilōk n̄an lōbwilej. Kwōj maron wōt kūr tok imōn jikuuļ ko ilo raan in M̄ande n̄an Bōļaide ilo taļboon.

Kālet kein raar jab pidodo n̄an ad kōm̄mani, ļaptata bwe jejeļā joņan an jermal in katakin ko ilowaan imōn jikuuļ jipaņ rijikuuļ ro nejid ilo iien jikuuļ in jej kōttoļok doon. Jenaaj wōnmaanļok wōt im kōm̄mane ijo kōnaad joņan wōt ad maron n̄an jipaņ rijikuuļ ro im kalikkar bwe ren tōpar katak ko aer.

Jej aikuļ in jermal ippān doon āinwōt juon jukjukinpād n̄an kadikļok an ajeded kij in im kōm̄mani aolep men ko jemaron kōm̄mani n̄an jipaņ ikijjeen ājmour im kōjparok eo an baamle ko ad ilo Jikuuļ ko an Kien ilo Salem Keizer im aolepen jukjukinpād in ad ilo Salem-Keizer.